

impietatem retundit. Miseram & risu dignam crasin! populum numerosissimum & integrum sensu communi privant, & in dementiam talem conjiciunt, quasi apertis oculis, anribusque in hoc stupendo facto & publico, arentem fluvi- um a mari in muros disjecto nescierit discer- nere. Ergo tot hominum millia talismodi transfretatio, columna nubis, & postea Mannae esus adeo sefellit, ut ne unus quidem dolum adverteret, & concitatis deinde tot seditionibus, acerrimis populi querelis, Mosaicis repre- hensionibus, plebe & principibus, Aarone & Maria virum mitissimum admurmurantibus, re- clamaret, abjecto legis observatu permolestae jugo. Vana profecto & ridicula contra hoc miraculum, quo Hebraei recta via ab uno littore ad oppositum pertransierunt, molimini! — Etiam *via semicircularis*, & agger per terrae motum excitatus, quem nonnulli statuunt, simul & hypothefis longioris maris recessus, quam *D. Michaelis* commentus est, merito rejiciun- tur. Ex hac servitute, & populi liberatione praeclare divinae providentiae rerum omnium moderatricis dispositio elucet, id agentis, ut gloriā suā mundo patefaciat.

C A P U T II.

VINDICIAE POTIORUM DOGMATUM, QUAE NEGANT SOCINIANI.

Ne aquam errorum monstra nova iunt, quae hodierni Theistae infauste edunt, & ab orco revocant, prae- cipue *Bahrdtius* in sua fidei professione &c., elimatiore tantum fuso comta illa esse, quis nesciat? Venena haec omnia jam effudit *Mich. Servetus* patria Tarragonensis, arte Medicus, secta Anabaptista, Sacramentarius, Antitri- nitarius &c.: cumque errores suos, de obstinatione nihil remittens, maledictis & conviciis propugnaret, accusan- te, & strenuam operam dante *Calvino Genevae die 27. Oct.*

1557. vivus rogo periit. Nefandi errores igne, quo auctor, non extinti sunt, sed Poloniā, Transylvaniā, Hungariā, &c. foede invaserunt. Blasphemias fecerunt suas, easque propagarunt *Val. Gentilis*, qui spreto suo jurando, post palinodiam, varias poenas publicas, fūgam, evasiones, cum atrocis in SS. Trinitatem & Symbolum, quod *S. Athanasii* nomine solet inscribi, baccharetur, curante *Musculo Bernae* capitali supplicio interiit, 1566. Praeter hunc Antitrinitariorum duxere agmina *Georg. Blandrata Medicus*, qui in Transylvania a fratribus sui filio strangulatus. *Paul. Alciatus*, cui ad Mahometanos defecit. *Matth. Gibraldus*, peste enectus. *Franc. Lismaninus*, qui in puteum se egit praecipitem. *Franc. Davidis*, qui ruina domus repentina fertur oppressus, juxta alios vero jussu Principis Transylvaniae *Christoph. Bathorei* in carcere 1579 peremptus: et si *Jac. Thuanus* alio miserabiliter exitu anxiam vitam illum finisse velit. Hi Antesignani sunt, & teste *Beza Epist. 81.* haeresē omniū commenta permicuere cum suis; Veritatis enim assertores sunt ad venerati *Eutychen*, *Nestorium*, *Samosatenum*, *Arium*, *Donatum*, *Helvidium*, *Nepotem*, *Eunomium*, *Praxeam*, *Photinum*, *Cerdonem*, *Sabellium*, *Acephalos*, ut unum hoc superesse videatur, ut *Satanam ipsum in Dei & veritatis loco collocarent*. Tandem *Laelii & Fausti Socinorum*, qui impietate inter illos omnes excelluerunt, nomine pestilentissima Secta cœpit celebrari. Ille *Senis* patria urbe 1547. relictis, admodum adolescens complura regna, provinciasque emensus, *Calvino*, *Melanchtone*, *Beza*, *Bullingero*, *Musculo*, *Munstero*, *Petro Martyre* familiariter usus, dissimulandi arte gnaviter imbutus, haustum a *Serveto* virus caute diffudit, & *Tiguri* 1562. aetat. an. 37. obiit. *Faustus Patru*i hujus scriptis sibi vendicatis pessimos istos dispersit errores. Horum postea pertinacissimi fuere defensores *Joann. Crellius*, *Jonas Schlichtingus de Bucowice*, *J. L. Wolzogenius*, *Christ. Ostorodus*, *Joann. Volkelius*, *Val. Smalcius*, & plures alii, conf. *Oederi arborem* in refut. *Catech. Racov.*, quorum opera non sine magno Christianae religionis damno apud Batavos edita, Titulo: *Bibliotheca Fratrum Polonorum*, quos Unitarios vocant. de *Socino*, qui Luclaviciis in Polonia an. 1604. aetat. 65. vivere desit, affeciae barba-ro metro qanunt:

To-

Tota licet Babylon destruxit testa Lutherus,
Muros Calvinus, sed fundamenta Socinus.

Dum pestifera secta 1658. Joan. Casimir Regis edicto, Polonia est expulsa, Sociniani regiones varias pervagati sunt, & vix dici potest, quot inter Protestantes, Anglos potissimum invenerint proselytos; imo teste Bossuet, vix modo inter Reformatos scriptor prodit, qui aliqua ex parte Socinianis non adhaereat. In Ecclesia & Academia Genevensi Socinianismi notam etiam *praescripta fidei professione* 1758. non sublatam, sed auctam esse, bene multi aperte docent. Mirabile autem non videatur, hanc alioquin absurdissimam sectam tot, tantosque fecisse progressus etiam apud viros in literaria republica non obscuros; nam observante cit. Bossuet, facile fuit, hominibus vana scientia inflatis eam persuadere Theologiam, quae una cum Trinitate omnia alia mysteria evertens, totum illud à Religione aufert, quod iis maxime difficile videtur, qui nonnisi evidentiam consequantur.

I. SACRA SCRIPTURA.

2. Tim. 3, 16. omnis Scriptura divinitus inspirata, utilis est ad docendum, ad erudiendum in iustitia. Conf. 1. Thess. 2, 13., 2. Pet. 1, 19. Antithesis habet Bahrdt p. 28. in declarat. fidei suae.

REFLEXIONES. Cum Scriptura sacra utriusque foederis, verbum Dei sit, nobis a Deo revelatum, literis exaratum, & per Ecclesiam manifestatum, primo *revelatio*, aut *inspiratio*, aut *assistentia* divina Scriptori sacro necessaria; deinde cum *omnis prophetia Scripturae propria interpretatione* non fiat, Ecclesiae, quae est *columna & firmamentum veritatis*, auctoritas quoad libros, sensum & interpretationem accedit, necesse est; nam in tanta disputationum de ipsis Scripturis illarumque intelligentia, deque religione discrepantia & varietate, in tanta errorum ac errantium licentia, accrescente ad nauseam indies Lect. varian- tium ubertate, quis aliis sedebit Judex, qui dissidia componat, lites terminet? Et tam brevis, expedita & necessaria litem omnem decidendi via, scil. decretoria Ecclesiae sententia quomodo tam diu potest displicere Ad-

ver.

versariis? qua simul & veritati consulitur, ac difficultates examinis immensaes, ac infinitis prope fidelibus insuperabiles tolluntur, quos ait Tertull. lib. de Praescript. c. 14. edit. Commel. *fides salvos fecit, non exercitatio scripturarum: --- Auditorati credere magnum compendium est,*
& nullus labor S. Aug. de Quantit. animae c. 7. edit. Antv.

Exemplo sit Joann. 10, 30. & Joann. 8, 58.; Catholici omnes contra veteres & recentes Arianos ex his Christi Divinitatem demonstrarunt; at Calvinus priorem loc. de morali tantum affectus & voluntatis unione intelligit, in Joann. 10. edit. Amstelo. pag. 103. cui discipuli ejus merito renituntur. Alterum loc. istorum multi de pra-existentia, quantum ad destinationem sive decretum Dei explicant, eo sensu, quo dicitur *Agnus occisus ab origine mundi:* Quam vero egregie Socinianis, qui ex illorum visceribus nati, iisdemque principiis enutriti, utraque arrideat expositio, nemo ignorat. Et quis hanc ex illis summi momenti contentionem, a qua tot animarum dependet aeterna salus, ullo aevo decidet? quis verum S. Script. sensum dijudicabit? An ipsa *Scriptura?* ad quam unam & solam, ceu fidei judicem omnes simul ad hunc diem provocant, & major tamen quotidie gliscit discordia, in fide scepsis, atque irreligio. Ubi nunc sunt conspicui illi, tamque splendidi radii, quibus *Scripturae* sensus statim effulgeat, nemo coecutiat?

Forsitan controversiarum judex *Spiritus privatus* erit? sed quis hunc non rideat ceu certam & publicam interpretandi normam assignari, qui privatus, est, occultus, incertus, varius, & revera contrarius, apertusque ad fanaticum campus? Alias in politica societate Leges publicas ad privatum rapere arbitratum, nefas habetur, rerum civilium in regno miserrima confusio ac perturbatio oriatur, & in Lege Christiana controversiarum fidei judex erit *Spiritus privatus?* quam haec insulsæ & absurdæ? J. Gerhardus Loc. Theol. Tom. I. edit. Tub. pag. II. accer-
 fit simul interna *κρίτης* & ipsius *Spiritus S. testimonium;* sed illo perspicacior D. Michaelis in *compendio Theol. dogmat.* pag. 15. hoc ineffabile *testimonium* ingenue difficitur.

Lis forte dirimenda est ex diligenti collatione cum lo-
 cis

eis aliis, ex criticis historiae & linguarum adminiculis, usu philosophiae; at vero in his se excellere, confidere. Vimque collocare omnem, universi jaetant. An unquam Protestantes revincere poterunt Socinianos, & qua ratione hi Christiana quaedam dogmata, quae nobiscum credunt, valebunt afferere contra illos, qui ea impugnant? Adeo verum est, excussa Ecclesiae auctoritate nihil amplius constans, nihil certum in religione superstes esse, sed omnia ad cuiusvis arbitrium & sentiendi libidinem fluctuare, quod quidem luctuosum degeneris aevi hujus fatum est, non sine scandalo Judaeorum, Turcarum & Gentilium.

II. DIVINITAS JESU CHRISTI.

Matth. 26, 63. Princeps sacerdotum ait illi: Adjuro te per Deum viventem, ut dicas nobis, an tu sis Christus Filius Dei! dicit illi Jesus: Tu dixisti. conf. Marc. 14, 61. Antith. Babrdtii p. 25.

REFLEX. Haec veritas ex vetere jam *Test.* e. g. *Isa. 55, 4*, *Jer. 33, 16.*, *Psalm. 2.* probatur; cum vero Socinniani & Arminiani S. paginas illas flocci pendant, ex novo *Test.*, quod ceu fidei, morumque normam adhuc videntur respicere, etsi has SS. literas, simulque mysteria omnia sola ratione dimetiantur, proferimus fundamenta. *Deum Dominum nostrum Iesum Christum his modis novimus, nomine, nativitate, natura, potestate, professione.* *S. Hil. lib. 7. de Trinitate: edit. Basil.* pag. 83. Scil. ex voce Patris in baptismo, SS. Petri & Thomae confessione, peccatorum remissione, ac intima cordium perscrutatione, plurimis miraculis hunc in finem patratis. *Cit. supra loco Princeps Sacerdotum Dei veri nomine & auctoritate, cuius erat minister, praecepit, ut Jesus veritatem, cuius ipse testis foret ac iudex, coram toto Synedrio proferret; an Meissias, & Filius Dei, non adoptione tantum, ut viri justi, sed natura esset; ita Caiphas P. vestimenta sua discindens intellexit, eo tendebat haec adjuratio, ut Christum blasphemiae reum condemnaret, si Filium Dei se esse affereret; ita Iesum sperabat responsurum, si, cum prius ad omnia taceret, divini nominis premeretur religione.*

Hoc mysterium clarissime patescit ex *Joann. I.* ac circumstantiis, quibus commotus ille dilectus Christi disci-

pulus Evangelium suum conscripsit. Cum enim *Carpocras*, *Cerinthus*, *Ebion* &c. contra Divinitatem Verbi pestiferos errores in vulgus spargerent, juxta *Iren.*, *Epiph.*, *Hilar.*, *Hieron.*, S. Joannes, ut hos convelleret haeresiarachas, aeternam Christi generationem ostendit: *Julianus Apostata* ipse S. Joannem de illa sermonem instituisse fatetur, et si Evangelistas reliquos Christi Divinitatem ignorasse, pessime concludat, in quo a S. *Cyrillo* refutatur: apud *Cyrill.* lib. 6. c. *Julian.* ---- *Joann.* 10. ubi Jesus dicit: *Ego & Pater unum sumus: Filius Dei sum: Pater in me est, & ego in Patre amplius hoc capitale dogma confirmatur*, neque v. 34. enervatur; nam Christus ibidem a *minor*, quod ajunt ad *majus* concludit: *Si homines, quibus olim Deus locutus, qui imperandi vel judicandi munere res fulgent, in Script. Dii appellantur conf. Psalm. 82, 7. quanto magis Jesus C. absque ulla blasphemiae nota?* ita hoc testimonium praesentes Judaei intellexere, & certe lapides contra Socinianos clamant. --- *Joann.* 17. 3. Christus a verae Deitatis communione hand excluditur; nam cum ibidem falsi nominis Dii, quos coeca introduxerat gentilitas, eliminentur, verborum hic ordo ponendus est: *Haec est vita aeterna, ut cognoscant te, & quem misisti Iesum Christum, solum verum Deum.* Hoc de loco iterum explicitae fidei in *Jesum C.* Deum verum, hominemque verum, hominum Mediatorem ad salutem necessitas invete comprobatur. Gentes nec Deum, nec Christum, & Judaei Deum, non Christum noverant, & hac utrosque cognitione donaturus Christus advenit: vel ipsa Socinianorum, praecipue ex illorum grege *Smalcii* verba id testantur, licet illa contradictionibus, quae apertae falsitatis, inconstantis sensus, ingenique notae sunt, implexa.

Citra controversiam *magnum est pietatis mysterium*, i. *Tim.* *Deus manifestatus in carne:* quis igitur ferat *Bahrdtii* 3, 16. dicta pag. 25. Sociniani superbum ac procax Theistarum genus, qui humana ratione tam fallaci, tam coeca sacram hanc obscuritatem audent rimari & discutere, vel Sacramentum captu suo longe superius credere recusant, divisionis oraculis obstrepunt, & Christianam fidem, rejectis quaestionibus, ut vocant *theoreticis, practicis* duntaxat ita.

stare & conservari, & ad consequendam salutem divinarum mandatorum observationem *Mattb.* 9, 17. sufficere putant. Egregia enimvero & lepida rationum fundamenta! sed etiam sine fide impossibile est placere Deo: credere oportet accidentem ad Deum, quia est: qui crediderit, & baptizatus fuerit, salvus erit; qui non crediderit, condemnabitur.. Quinimo veritates practicas & mandatorum observationem a theoreticis, & mysteriorum fide saepissime consequi, nemo non cernit: Quid enim? an versari in mera, otiosaque speculatione dici potest nostra in SS. Triados mysterium fides, ex qua gravissimum de Christi Divinitate dogma pendet, quod profecto non in fide sola, firmoque tantum assensu, non in sterili contemplatione positum est, sed etiam ad morum formam pertinet; nam si Christus, ut aperte Ss. Literae tradunt, verus Deus est, summae impietatis rei sunt *Sociniani*: si non sit, *Orthodoxi* idolatriae revincuntur, qui *Iesum C. ceu Jebova* agnoscunt & adorant. Annon ingens haec quaestio, ex cujus decisione vel irreligio, vel idolatria subnascitur, ad mandatorum observantiam spectat? Quid in moribus capitale, quid magis praecipuum, quid acrius severiusque pracepta vetant, quam impietatem & idolomaniam? Altius sane nobis insculptum est *SS. Trinitatis* mysterium, in cuius fide baptizati sumus, cui nomen dedimus, & obsequia spopondimus nostra. Illud singulare Christianae religionis fundamentum est, quo stante illa consistit, quo subverso pariter illa labefactatur & corruit, quodque a nemine, qui salutem aeternam anhelat, ignorari debet: ex illo ceu fonte omnia salutis nostrae profluunt subsidia, Verbi Incarnatio, Christi satisfactio, Missio Spiritus S., Sacramentorum institutio vis & efficacia: de hoc mysterio egregie scribit, illudque ostendit ex ipsis Mahumetanorum libris Cl. *Guadagnolo in Apol. ad Ahmed Persam Asphabensem.*

III. UNUS MEDIATOR DEI ET HOMINUM HOMO CHRISTUS JESUS.

A&t. 4, 12. Non est aliud nomen sub coelo datum hominibus, in quo oporteat nos salvos fieri conf. cum Joann. 14, 6. Rom. 5.

RE-

REFLEX. Christianam religionem in odium contemnuntque adducturi, salutem sine *Jesu C. fide obtineri posse*, contendunt. Eum in finem gentilium sophorum vitam, accusatis multorum Christianorum moribus, ad astra tollunt. Paganos, Christianorum persecutores, autochirois, idololatras, libidinosos, simulatores &c. Coelicum inserunt coetibus: Inter corruptissimos non nihil meliores *Socratem, Platonem, Senecam, Trismegistum Christianis heroibus longe anteferunt.* Hi quidem *cum cognovissent Deum, non sicut Deum glorificaverunt, aut gratias egerunt, sed evanuerunt in cogitationibus suis,* & obscuratum est insapiens cor eorum, dicentes enim *se esse sapientes, stulti facti sunt.* --- Per solam igitur cognitionem naturalem potuit sapiens, ruditus, Scytha, barbarus ex ipso aspectu eorum, que oculis subjecta sunt, pulchritudinem edocitus ad Deum descendere *S. Chrys.* in loc. cit. *S. Pauli*, ait fine divina fide & supernaturalium veritatum doctrina revelata nemo hominum veram justitiam & salutem aeternam potest consequi: Illos esse *inexcusabiles* ex Script. & SS. PP. elucet, quorum aliquos, dum benignius de gentilium salute censuerunt, mitiorem in partem oportet explicare. — *Christus J. Joann. 10. & 14. est via & ostium*, qui per fidem in ipsum ceu *Mediatorem* in ovile Dei, seu Ecclesiam ingressus fuerit, tutus erit a lupi infernalis incursibus, sicut ovis intra caulas secura degit. *Antithes. Bahrdtii pag. 26. est:* Hanc fidei necessitatem ad Nonchristianos extendere, esse irrationabile, inhumanum, & Scripturis adversum.

IV. SATISFACTIO JESU CHRISTI.

I. *Tim. 2, 6. Jesus Christus dedit redēptionem semet-ipsum pro omnibus conf.* *Tit. 2, 14., Ephes. 1, 7.*

REFLEX. Errorum petissimus est, quo merita *Jesu Christi*, oblatam pro nobis Crucis sacrificio satisfactio nem, & ejusdem in locum nostrum substitutionem, ac pretii pro delictis nostris persolutionem elevant, ac funditus vellent subvertere. Fucum impiis placitis suis inducunt, & incautos fallunt, dum *Jesum Servatorem* quidem vocant, bono nostro mortuum; at Servatorem consilio tantum & exemplo, non merito, non opere & efficacia. Invicta Scripturarum testimonia proterve ad sensum impro prium avocant, cum tanta mysteria humanae rationis su pe.

perent decempedam. *Evangelicus Prophetæ toto Cap. 53.*
 Christi passiones describens, hanc veritatem demonstrat.
 Contra recentiores Apellas ipsi Sociniani non dissentunt
 cit. loc. *Christum non Isaiam* designari. Certe *H. Grotius*
in Annot. in hunc loc. Christianae fidei non consultum ivl,
 dum Judaeis plus aequo indulgens, verba ex literae sensu
 ad Prophetam inflecti posse largitur: *Servetus* autem ea
 ad *Cyrum* inepte detorserat. Hac in Prophetia non nisi coe-
 cus non videt, quod proprie & vere pro peccatis nostris,
 pro quibus se vadem praestitit, Christus vulneratus sit, at-
 tritus, & morti traditus, idquod Evangelistarum omnium
 effata corroborant. Antilogia *Isa.* inter & *Matth.* 8, 16.
 17. quam inextricabilem opinantur, conciliare, parum
 operosum est. *Antith. Bahrdtii* pag. 24. haec est: *Das*
aber Gott blos um eines Menschenopfers willen mir meine
Sünden vergebe, und um einer fremden Tugend willen die
Flecken der meinigen übersehe, das ist wider meine Vernunft
und habe ich auch nie etwas davon in H. Schrift gefunden.

V. PERSONA ET DIVINITAS SPIRITUS SANCTI.

Joann. 16, 13. *Cum autem venerit ille Spiritus*
veritatis, docebit vos omnem veritatem. *Conf. cum Joann.*
14, 16. Matth. ult. Act. 5, 3. *Bahrdtii Antith. pag. 24.*

REFLEX. Si Spiritus S. nihil aliud est, ut volunt *Pneu-*
matomachi, nisi Deus dona sua impertiens, aut ipsa imper-
 ita dona; quomodo verba illa Christus potuisset eloqui?
 An Deus Pater a se non loqueretur? An de coelestibus il-
 lius donis dici potest, quod non loquantur a semetipsis,
 sed tantum quaecunque audierint? Respondent more suo,
metaphoram hyperbolicam adesse, qua personales actiones
 rebus tribuantur; verum sic totum pene *Evangelium* con-
 continua erit locutio impropria & translata, nam ubique Spi-
 ritui S. actiones *personae* dantur: dicitur in *Mariam super-*
venturus: de illo esse, quod de *Maria* est: descendisse cor-
 porali specie super *Iesum* & in *Apostolos*: alias *Paraclytus*,
Spiritus Deus, dividens singulis, prout vult. ... Cit.
 loc. subditur: *Non enim loquetur a semetipso, sed quaecun-*
que audiet, loquetur. Hic *Salvator* significat, quod *Spiritus*
S. nihil docturus sit extra vel contra ea, quae ipse docuit.
 Et sicut *Dominus* dicit: *quaecunque audivi a Patre meo,*

loquor, ita de Spiritu S. pronuntiat, qui cum a Deo procedat, ea tantum loquitur, quae in Deo sunt, quae illi non possunt esse ignota. *V. 14.* dicit Jesus: *Ille me glorificabit, quia de meo accipiet & annuntiabit vobis v. 15.* omnia quae cunque habet Pater, mea sunt, ubi ostendit & Patris & suum esse Spiritum. *Quis enim ait Paulus I. Cor. 2, 11.* hominum scit, quae sunt hominis, nisi spiritus hominis, qui in ipso est? ita & quae Dei sunt, nemo cognovit, nisi Spiritus Dei: quo certe ratiocinio & comparatione Apostolus non fuisset usus, si Spiritus S. nihil nisi afflatus esset, sive donum in mente Prophetarum & Apostolorum residens.

I. Cor. 2, 10. dicitur scrutari omnia, etiam profunda Dei & *Rom. 8, 26.* postulare pro nobis gemitibus inenarrabilibus; sed utrumque nihil Deitati derogat; nam primum non inquisitionem eorum denotat, quae occulta sunt ac ignota, sed verbum usurpat, prout significat, perfecte nosse, haud obscure; sic Deus, cui cordium nostrorum arcana omnino explorata sunt, *renes & corda nostra* scrutari dicitur *Conf. Jerem. 30.* Secundum non innuit, *gemitum & orationem* Spiritui S. convenire, sed quod gratia sua, & efficaci in nos charitatis operatione, quam in cordibus nostris diffundit, nos doceat bene ac rite orare ac gemere. Nonnisi mucidos errores *Macedonianorum* hic suscitarunt Sociniani, pridem a PP. explosos; quorum auctor *Macedonius per Constantium* in Sedem Constantinop. intrusus, Paulo legitimo Eppo in exilium relegato, & caefis vel oppressis supra tribus hominum millibus, quem tamen haeresiarcham idem Imperator, cognita hominis petulantia, iterum a solio Pont. deturbavit. Et sicut veteres haeretici, qui bellum Spiritus S. Divinitati intulere, inconstans locutis sunt, ita quoque Sociniani, ut patet ex *Catech. Racoviensi edit. Lips.* Hic Spiritus S. nihil aliud illis est, nisi Dei energia & efficacia ab ipso indistincta: illic persona, vel aliquod donum a Deo distinctum est, attamen creatum.

VI. PECCATUM ORIGINALE.

Rom. 5, 12. 19. Per unum hominem peccatum in hunc mundum intravit, & per peccatum mors, & ita in omnes homines pertransiit, in quo omnes peccaverunt &c. *Conf. Eph. 2, 3., Job. 14, 4. & Psalm. Hebr. 51, 7.*

RE-

REFLEX. Non *imitatione*, sed *propagatione* in homines omnes illam peccati labem transfundi, S. Apostoli Christum inter & Adamum analogia comprobat: Scil. ut per Adam invectum est peccatum, ita per Christum collata est justitia, certe non sola *imitatione*; nam qui Servatorem praecessere veteres Sancti, illum nequierunt imitari, gratiam tamen & justitiam illi ferunt acceptam: Nec in parvulis peccatum hoc *imitatione* habuit aditum, qui tamen *natura filii irae*, sicut & caeteri, renasci debent ex aqua & Spiritu Sancto, ut intrent in regnum coelorum. Videmus iterum nonnisi prisca haeresin Carpocratianorum, Pelagianorum, Armenorum, Albigensium, Anabaptistarum, Sacramentariorum a Zwinglio & Oecolampadio paedobaptis-
mum rejicientibus &c. resuscitatam, a Socinianis pro-
pugnari, ut systema tolerantiae commendent ac promo-
veant, cui Judaeus, Turca & Paganus facile subscibent,
sicut in cit. Catech. Racoviensi proponitur. Primum pa-
rentem generis humani caput in peccatum esse lapsum,
multi probant ex gravi jugo, quod est super filios Adam, a
die exitus de ventre matris eorum, quod injustum esset, si
noxae nullius rei forent infantes. Quod argumentum eth-
nicos ipsos pernivit, ut, quamvis primigeniam illam la-
bem ignorarint, ex humanae tamen naturae tam sauciae
conditione judicarent, infontem non esse hominem, tot
objectum aerumnis. Hinc admissa in superiore vita qua-
dam commenti sunt peccata ab eo, qui ab ipsis vitae ini-
tiis laboribus molestiisque addictus videretur. S. Aug.
Lib. 4. contra Julian. C. 15. edit. Antv. Tom. 7. pag. 415.
hos veteres ethnicorum Vates & Philosophos, qui errores
miseriasque humanae vitae ad aequum Dei judicium retu-
lerunt, ad Christianum dogma accedere, ait, profertque
insigne ex Ciceronis Hortensio testimonium... ubi subji-
citur, verum esse illud Aristotelis dictum, sic *animos no-
stros corporibus esse conjunctos*, ut a praedonibus Etruscis
corpora viva cum mortuis conjungebantur: & c. 12. cum
Ciceronem induxit set dicentem: *Non ut a matre, sed ut a
noverca natura hominem esse editum in vitam, corpore nudo,
fragili & infirmo, animo anxiō ad molestias, humili ad
timores, molli ad labores, prono ad libidines, in quo tamen in-*
ef-

esset tanquam obrutus quidam divinus ignis ingenii & mentis. Subjungit S. D.: Non hic Auctor iste male viventium moribus dixit effectum, sed naturam potius accusavit. Rem vidi, causam nescivit. Latebat enim eum, cur esset grave jugum super filios Adam, a die exitus de ventre matris eorum, usque in diem sepulturae in matrem omnium, quia Sacris Literis non eruditas ignorabat Originale peccatum.

VII. POENARUM APUD INFEROS AETERNITAS.

Marci 9, 43. Vermis eorum non moritur, & ignis non extinguitur conf. Matth. 25, 41., Marc 3, 29.

REFLEX. Futuro post hanc vitam saeculo omnem suppliciorum vim Deus servavit, quorum frequentem mentionem SS. Literae faciunt, certa & simplici oratione tradentes, aeterna illa fore suppicia. *Origenistarum* priscus fuerat error ex *Platonicis* haustus, ut scribit S. Aug. *Lib. 21. de Civit. Dei c. 13.* improbos aliquando liberatum iri, etsi *Plato* in fine *Gorgiae & Virgil.* etiam in 6. *Aeneidum* scelestioribus sempiternas infligi poenas prouunt. Hos *Sociniani* errores suscitant, & velut antiquis ollis novas affingere ansas laborant, quos pridem ex Ss. *Lit. SS. PP. & Concilia* profligarunt. Illa verba Salvatoris ex *Isa.* ultimo desumpta & *Daniel. 12, 2.* ad literam, ut decet, expensa, poenas aeternum duraturas significant, quas inter & pudor est non ultimus sceleratorum carni-fex: summam denotant rerum omnium egestatem, gra- ves corporis dolores, ingentemque animi angorem, de-sperationem in iram adversus Deum, rabiemque versam, quem *dentium fremitum* Ss. Literae vocare solent. Haec omnia inepta sua, ementita & Ss. Literis repugnante her-menia *Sociniani* usurpant: praecipue vocabl. **Ωλύ** & **Αιων** pro diurna tantum duratione capiunt; verum ut gloria, felicitas & sanctorum requies erit sempiterna, sic pariter erit impiorum cruciatus conf. S. Greg. *M. Lib. 34. Moral. c. 16.* ubi S. D. feliciter explosit ex ipsis verbis Sal-vatoris vetera, novaque sophismata & technas illorum, qui *babere finem divina super se judicia suspicantur*, ac perennia suppicia divinae repugnare clementiae volunt. In idem recedit *opinio Bahrdtii* pag. 27. ex veterum ha-

re-

resiarcharum lacunis hausta: totus in divina ad benefac-
tiendum ac praemiandum propensione versatur: Sed enim
dignitas infinita Dei offensi, ex qua malitia peccati infinita
repetitur, & voluntas peccatoris, qui aeternum peccaret,
si posset, infert supplicii aeternitatem.

VIII. ANGELI.

*Matth. 18, 10. Angelicorum in coelis semper vident
faciem Patris mei. Antith. Bahrdtii pag. 27.*

REFLEX. Angelos existere verae religionis culto-
res, & non pauci inter Philosophos gentiles confessi sunt.
Notus est ille celebris *Socratis Genius*, quisquis demum
fuerit, quo in consiliis capiendis, ac futuris praevividendis
usus fuisse dicitur. Praeter V. T. documenta e.g. Gen.
16. & 21. 19. 22. hanc veritatem N. T. saepissime con-
firmat, ubi ex obvio sensu nonnisi substantiae spirituales
ab homine diversae & excellentioris dignitatis possunt
intelligi, quam notionem nulla machinarum vis ad solas
inspirations deprimet: cum Angelorum apparitiones, be-
neficia ministerio illorum collata, poenae impiis infictae
tam accurate describantur, ut nonnisi delirus somniator
ea de *imaginationibus ac phantasmatis* explicet.

Ex immensa illa Angelorum, quos Deus creavit, mul-
tisque ac magnis gratiarum donis exornavit, multitudine,
aliquos contra Deum Creatorem infanda rebellione pec-
casse, compertum habetur *Matth. 25, 41. Joann. 8, 44.*
2. Pet. 2, 4. Apoc. 12, 7. & seq. Hos nedum corporibus,
sed praecipue etiam animabus nostris perpetuo insidiari,
aperta S. Script. doctrina est: certe risu, vel com-
miseratione potius digni sunt temporum nostrorum falsi
sapientes & fortes spiritus, qui timorem infestantium
Daemonum nobis eximere, tam sedulo nituntur, tum ex
daemonologia ethnicorum, tam sublimi scientia sua phi-
losophica illorum existentiam aut operationes pernegan-
do, cum tamen iisdem sola Iesu Christi servatoris gra-
tia nos liberet.

O. A. M. D. G.



